



# COMUNE DE PÀDRIA

## DELIBERATZIONE DE SA GIUNTA COMUNALE N. 59 DE SU 30/11/2020

OGGETTO: CUNTZESSIONE CONTRIBUTU ORDINÀRIU A S'ASSÒTZIU CULTURALE SANT'ANTONI DAE PADOVA PRO S'ANNU 2020. DIRETIVAS A SOS UFÌTZIOS.

S'annu duamìgia binti sa die trinta de su mese de Santandria a sas oras 14.00, in s' UFÌTZIU DE SU SÌNDIGU, fatu chi siat esaurimentu de sas formalidades prescritas dae sa Lege de s'Istadu e dae s'Istatutu, s'est riunida sa Giunta Comunale suta sa presidèntzia de su SÌNDIGU DOT. MURA ALESSANDRO.

A s'apellu nominale resurtat:

<b>CÀRRIGA</b>	<b>SAMBENADU E NÙMENE</b>	<b>PRESENTE</b>
SÌNDIGU	DOT. MURA ALESSANDRO	EMMO
ASSESSORE	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO

Presentes n° 3 Ausentes n° 0

Partètzipat su SEGRETÀRIU COMUNALE DOT. PULEDDA ANTONINO, su cale providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e declarat aberta sa setziada pro sa tratatzione de s'ogetu subra marcadu.

## SA GIUNTA COMUNALE

### **PREMÌTIDU** chi:

- sa politica sòtziu culturale de s'Ente est indiritzada a valorizare cantu prus totu sas formas de assotziatzionismu locale, intesu comente sistema orgànicu in gradu de creare coesione sotziale, e puru de promòvere su territòriu interessende sas famìlias locales;
- su sustennu a sas inìtziativas indiritzadas a sa colletividade costituit arrichimentu de sos programmas de s'Amministrazione comunale e s'insertat in su cuntestu prus mannu de suportu a sas formatziones sotziales, a s'assotziatzionismu e a su voluntariadu in gènere in ue s'isvilupat sa personalidade, si valorizat sa partetzipatzione, cale momentu de crèschida personale e sotziale de su tzitadinu;
- sa Costituzione matessi (art. 118, comma 4) invitat sos Comunes a favorire s'inìtziativa autònoma de sos tzitadinos, s'ingulos e assotziados pro s'acumprimentu de atividades de interessu generale, dende rilevantzia costituzionale a una forma de sussidiariedade gasi narada "orizontale";
- **BIDA** s'istàntzia perbènnida dae su Seg. Lai Giuseppe, in calidade de Presidente de s'Assòtziu Culturale Sant'Antoni dae Padova, bortada a s'otenimentu de unu contributu ordinàriu pro s'organizatzione de sos festegiamentos in onore de Sant'Antoni pro s'annu 2020, ns. prot. n. 4364 de su 09/11/2020;

**RILEVADU** chi, in su casu particolare, aparet sussistente s'interessu generale, sende gasi su printzìpiu de sussidiariedade orizzontale prima art. 118 comma 4 de sa Costituzione, ligadu a sa valorizatzione de atividades de sos assòtzios chi concretizent s'erogatzione mediada de servìtzios de rilevantzia colletiva in matèrias de cumpetèntzia de s'Ente pùblicu erogadore e in mancàntzia de interventu istituzionale deretu, pro sa promotzione de su territòriu e s'afortiamentu de sa fruitzione sòtziu culturale e ricreativa, in su territòriu matessi;

**TORRADAS A CRAMARE** sas dispositziones de su Regulamentu vigente de s'Ente pro sa cuntzessione de contributos, aprovalu cun deliberatzione de su Consìgiu comunale n. 12 de su 24/04/2009, pro su mèdiu suo sunt istadas individuadas formas de garanzia pro su reconnoschimentu de finanziamentos e benefìtzios econòmicos a entes pùblicos e sugetos privados, in relazione a cantu prevididu dae s'art. 12 de sa lege 7 de austu de su 1990, n. 241 e mm.ii.ii., bortadas a assicurare sa trasparèntzia màssima a s'atzione amministrativa e su cunsighimentu de sas utilidades sotziales a sas cales ant a èssere finalizadas sas resursas pùblicas impiegadas;

**EVIDENTZIADU** chi, pro efetu de s'art. 57, comma 2, de su D.L. 124/2019, mudadu cun modificatziones dae sa L. 19 de nadale de su 2019, n. 157 (in G.U. 24/12/2019, n. 301), a decùrrere dae s'annu 2020, sessant de si aplicare sas dispositziones sighentes in matèria de cuntinimentu e de redutzione de s'ispeza e de òbligos formativos: ..... b) artìculu 6, commas 7 (istùdios e incàrrigos de consulèntzia), 8 (ispesas pro relazioni pùblicas, cunvegnos, mustras, publitzidade e de rapresentàntzia), 9 (isponsorizatziones), 12 (missiones) e 13 (formatzione), de su decretu-lege 31 de maju de su 2010, n. 78, mudadu, cun modificatziones, dae sa lege 30 de trìulas de su 2010, n. 122;

**APRETZIADU** de acollire sa rechesta de sa subramentovadu Assòtziu in cantu s'inìtziativa proposta contribuit a sa promotzione turìstica e sotziale de su territòriu e, pro cussu, a sa realizatzione de sas finalidades istituzionales de s'Ente, pro su printzìpiu de sussidiariedade orizzontale segundu s'art. 118 de sa Costituzione, persighende una modalidade alternativa de acumprimentu de còmputos istituzionales;

**DADU ATU** chi sa licuidatzione de su contributu rechestu at a avènnere cun provedimentu apòsitu de su Responsàbile de su Servìtziu cumpetente, segundu sa protzedura indicada in s'art. 16 de su Regulamentu prefatu;

## **BIDOS:**

- sa nota de aggiornamentu a su DUP 2020-2022 aprovalu cun deliberatzione de su Consìgiu Comunale n. 22 de su 28/12/2019;
- su Bilàntziu de previsionu finantziàriu 2020-2022 aprovalu cun deliberatzione de su Consìgiu Comunale n. 25 de su 28/12/2019;
- s'Istatutu Comunale;
- su Dlgs n. 267/2000 e mm.ii.ii.;

**ACHISIDOS**, subra de sa proposta de deliberatzione, sos parres favorèvoles in òrdine a sa regularidade tècnica e contàbile esprìmidos dae su Responsàbile de su Servìtziu Finantziàriu, in cunforma a s'art. 49, comma 1, de su D.Lgs. 267/2000 e mm.ii.ii.;

**RECONNÒSCHIDA** sa cumpetèntzia pròpia sende gasi sas dispositziones normativas, istatutàrias e regulamentares vigentes;

**DADU ATU** chi subra de sa proposta de deliberatzione n. 757 de su 30/11/2020 est istadu proadu, cun èsitu favorèvole, su controllu a su matessi tempus de regularidade amministrativa a incuru de su Segretàriu comunale, a s'èsitu de su coordinamentu testuale cuncordadu cun sos Responsàbiles de sos Servìtzios interessados;

**RECONNÒSCHIDA** s'opportunità in sintonia cun sa proposta tècnica avanzada dae sos ufìtzios, de protzèdere a s'aprovazione de sa deliberatzione presente pro sas finalidades in ogetu;

**ACRARADU** chi sa setziada presente de sa Giunta Comunale s'est acumprida in modalidade telemàtica a manera partziale, in cunforma a s'art. 73 de su D.L. n. 18/2020 e mm.ii.ii. e puru de su decretu de su sindigu n. 2 de su 23.03.2020;

**DADU ATU** chi totu sos partetzipantes a sa setziada:

- ant àpidu visione e disponibilidade preventiva de sa proposta de deliberatzione chi pertocat s'ogetu;
- ant àpidu s'opportunità de partetzipare a sos traballos de sa die de oe de sa Giunta Comunale in presèntzia (Mura - Dettori) o in modalidade telemàtica (Marica) siat in relazione a sa discussione chi in òrdine a sa votazione, cun su controllu costante de su Segretàriu comunale;

cun votos favorèvoles in su matessi tempus de acordu, esprìmidos a manera legale, in cunforma a cantu subra indicadu

## **DELÌBERAT**

**DE APROVARE** sas premissas narrative e motivatzionales a su dispositivu presente de si apretziare inoghe a manera integrale traspostas;

**DE AUTORIZARE**, pro s'efetu, sa cuntzessione de unu contributu econòmicu de Èuros 1.250,00 a s'Assòtziu Culturale Sant'Antoni dae Padova, pro s'organizazione de sos festegiamentos in onore de Sant'Antoni pro s'annu 2020;

**DE PRETZISARE** chi sa contribuzione in paràula rapresentat una modalidade alternativa de acumprimentu de atividades istituzionales de s'Ente cun riferimentu a sos servìtzios sotziales e ricreativos pro su printzìpiu de sussidiariedade orizzontale segundu s'art. 118 de sa Costituzione;

**DE DARE ATU** chi s'ispeza subra narada agatat cobertura in su cap. 6313.6, missione 05, programma 02 de su bilàntziu de previsionu 2020/2022, cumpetèntzia 2020;

**DE DISPÒNNERE** chi su contributu siat erogadu a saldu, subra de sa base de sa rendicontazione giai presentada, in su lìmite de s'importu assegnadu;

**DE ISTABILIRE** chi sunt rendicontàbiles sas ispesas pro s'organizazione de cumbidos e sìbiles in misura non superiore a su 15% de su contributu cuntzessu;

**DE INCARRIGARE** su Responsabile de s'Àrea Sòtziu Culturale s'esecuzione de sa deliberatzione presente;

**DE DECLARARE** in fines sa deliberatzione presente, a pustis de separada, in su matessi tempus e a sa matessi manera votatzione de acordu (Mura – Dettori in presèntzia); (Marica in modalidade telemàtica) - esecutabile a manera immediata in cunforma e pro sos efetos de s'art.134, comma 4, D. Lgs. 267/2000 e mm.ii.ii., pro s'urgèntzia de assicurare su perfetzionamentu de sas finalidades suas.

#### **PARRE DE REGULARIDADE TÈCNICA**

In cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **30/11/2020** at esprimidu parre **FAVORÈVOLE**

---

#### **PARRE DE REGULARIDADE CONTÀBILE**

In cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **30/11/2020** at esprimidu parre **FAVORÈVOLE**

---

**SU SÌNDIGU**

**DOT. MURA ALESSANDRO**

**SU SEGRETÀRIU COMUNALE**

**DOT. PULEDDA ANTONINO**

---

#### **NOTA DE PUBLICATZIONE N. 940**

In cunforma a s'art. 124 de su T.Ù. 267/2000 su Responsabile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 30/11/2020 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege vigentes

Traduzione de s'operadora de s'isportellu linguìsticu de Pàdria  
Maria Leonarda Correddu

---

Copia digitale di documento informatico firmato digitalmente e prodotto ai sensi del D.Lgs 82/2005 e  
rispettive norme collegate